

中國文學精華

國語精華

國語精華

目錄

周語

- 祭公諫征犬戎……………一
密母戒子……………三
召公諫厲王止謗……………四
芮良夫論榮公專利……………六
繞文公諫不藉田……………七
仲山父諫立戲……………一〇
仲山父諫料民……………一〇
伯陽父論地震……………一二

目錄

- 襄王不許請隧……………一三
倉葛呼晉師……………一五
襄王不許殺衛侯……………一六
定王論饗禮……………一七
單襄公論陳亡……………一九
單子論齊晉君臣……………二三
太子晉論壅川……………二五
單穆公諫鑄大錢……………三一

魯語

- 臧文仲如齊告糴……………三三
臧文仲論請免衛侯……………三五
展禽論祀爰居……………三六
里革斷罟……………三九
季文子論妾馬……………四〇
仲尼論贖羊……………四一
敬姜告季康子……………四二
敬姜弗應季康子……………四二
敬姜戒妾……………四三
敬姜論勞逸……………四三
仲尼論骨節專車……………四六
仲尼論楛矢……………四七
-
- 齊閭丘來盟……………四八
仲尼論田賦……………四九
齊語
齊桓公霸諸侯……………五〇
晉語
欒共子對晉武公……………六七
卻叔虎論伐翟祖……………六七
驪姬夜半讒中生……………六八
優施計動里克……………七一
秦立惠公……………七三
胥臣論教因材質……………七八
郭偃論難易……………八〇

范武子杖擊文子·····	八〇
趙文子冠·····	八一
范文子論戰·····	八三
趙文子爲室·····	八四
叔向賀韓宣子貧·····	八五
夙沙釐對中行伯·····	八七
董叔取于范氏·····	八七
趙簡子使尹鐸爲晉陽·····	八八
尹鐸增壘培·····	八八
壯馳茲論興亡·····	九〇
竇犇對趙簡子·····	九一
智果諫立瑤·····	九一

士茁論室美·····	九二
鄭語	
鄭桓公謀遷國·····	九二
楚語	
左史倚相戒申公·····	一〇一
伍舉論章華之臺·····	一〇三
白公子張諫靈王·····	一〇六
鬬且廷論子常必亡·····	一〇八
昭王賞郢公兄弟·····	一一〇
王孫圉對簡子·····	一一一
吳語	
越行成於吳·····	一一三

吳許越成·····	一一五
申胥諫伐齊·····	一一六
吳王殺申胥·····	一一八
王孫雄決策·····	一二〇
吳長晉盟·····	一二二

越王句踐滅吳·····	一二五
越語	
句踐復仇始末·····	一三三
句踐陰謀·····	一三八

國語精華

周語

祭公諫征犬戎

穆王將征犬戎。

穆王，周康王之孫，昭王之子，穆王滿也。犬戎，西戎之別名，在荒服。

祭公謀父諫曰：「不可。」祭，畿內之國，周公之後也，爲王卿士謀父字也。先王耀德不

觀兵。夫兵戢而時動，動則威，觀則玩，玩則無震。是故周文公之頌曰：

頌，時遭之詩也。「載戢干戈，載櫜弓矢，我求懿德，肆于時夏，允王保之。」先王

之於民也：懋正其德，而厚其性；阜其財求，而利其器用。明利害之鄉，以文修之，使務利而避害，懷德而畏威，故能保世以滋大。

昔我先王世后稷，以服事虞夏。及夏之衰也，棄稷不務。袁謂啓子太康廢

稷之官，不復務農也。我先王不窋，用失其官。失稷官也。不窋，棄之子也。而自竄于戎狄之

首段總冒，耀德不觀兵五字，是通篇綱領。

二段泛引，歷述先烈詳言德而略言兵，以武王東住，就用武兜勒務德，意尙未貼著犬戎。

閒，不遺失官遷郊，郊西接戎，北近狄。不敢怠業，時序其德，纂修其緒，修其訓典，朝夕恪勤，守以敦篤，奉以忠信，弈世載德，不忝前人。至于武王，昭前之光明，而加之以慈和，事神保民，莫不欣喜。商王帝辛，大惡於民，帝辛，紂名。庶民弗忍，欣戴武王，以致戎于商牧。戴，奉也。戎，兵也。牧，商郊牧野。是先王非務武也，勤恤民隱，而除其害也。

夫先王之制：邦內甸服。

千里之內曰甸。甸，王田也。服，其職業也。

邦外侯服。

邦，畿之

外方五百里之地謂侯服。侯服，侯，圻也。言諸侯之近者，歲一來見也。侯衛賓服，侯，侯圻也。衛，衛圻也。言自侯圻至衛

圻，其間凡五圻，圻五百里，中國之界也，謂之賓服，常以服賓，賓見於王。五圻者：侯圻、甸圻、男圻、采圻、衛圻。康誥曰：侯、甸、男、采、

衛是也。蠻夷要服，蠻，蠻圻，夷，夷圻也。九州之界也。要者，要結好信而服從也。我狄荒服。我狄，去王城四千

五百里至五千里，荒裔之地，故謂之荒。甸服者祭，供日祭。侯服者祀，供月祀。賓服者享，供時享。

要服者貢，供歲貢。荒服者王。世一見於天子謂王。日祭，祭祖考。月祀，祀高曾。時享，享於二

歲貢，貢於壇墀。終王，終朝嗣王，及即位而來見。先王之訓也。有不祭，則修意；意以自

三段切引，歷舉先王中外之制，逐層遞入，荒服、終王等字，緊貼大戎本職，從修德遞到修刑，又從令辭歸入修德，前後一線。

四段入事，繳應
觀兵曰終也，曰
來王曰不享曰
守終，正照應終
王本職，文法細
密。

有不祀，則修言；號令。有不享，則修文；典法。有不貢，則修名；尊卑職貢之名號。
有不王，則修德；修文德以來之。序成而有不至，則修刑。序成，謂上五者次序。於是乎
有刑不祭，伐不祀，征不享，讓不貢，讓，譴責也。告不王；以文辭告曉之也，地遠者罪輕。於
是乎有刑罰之辟，有攻伐之兵，有征討之備，有威讓之令，有文告之辭，
布令陳辭而又不至，則增修於德，而無勤民於遠。是以近無不聽，遠無
不服。

今自大畢、伯士之終也，大畢，伯士，犬戎氏之二君。犬戎氏以其職來王。天子

曰：『予必以不享征之，且觀之兵。』其無乃廢先王之訓，而王幾頓乎！

費，危也。頓，敗也。吾聞夫犬戎樹惇，言立性惇樸。能帥舊德，而守終純固，其有以禦

我矣。」

王不聽，遂征之，得四白狼、四白鹿以歸。自是荒服者不至。

密母戒子

恭王遊於涇上，密康公從。恭王，穆王之子，從扈也。有三女奔之。

其母曰：「必致之於王；夫獸三爲羣，人三爲衆，女三爲粲。王田不取羣，公行下衆，王御不參一族。夫粲，美之物也。衆以美物歸女，而何德以堪之？王猶不堪，況爾小醜乎！小醜備物，終必亡。」

康公不獻，一年，王滅密。

召公諫厲王止謗

厲王虐，國人謗王。厲王，恭王之曾孫，夷王之子，厲王胡也。召公告曰：「民不堪命

矣！」召公，召康公之孫，穆公虎也。王怒，得衛巫，使監謗者。衛巫，衛國之巫。以巫有神靈，有謗必知

之。以告，則殺之。國人莫敢言，道路以目。不敢發言，以目相睜而已。王喜，告召公曰：

「吾能弭謗矣，乃不敢言。」

召公曰：「是障之也，防民之口，甚於防川；川壅而潰，傷人必多，民

敘事作案。
先從喻意醒出
正意宣之使言
句，揭明生腦。

次用正論，指開極力鋪敘，所謂宣之使言也，反正相形，亦高一層跌宕法。

後又從險意，跌出正意，言宜之則受其利，壅之則成其害也。應轉川壅而潰句作收。

亦如之。是故爲川者決之使導，爲民者宣之使言。故天子聽政，使公卿

至於列士獻詩，獻詩以風也。列士，上士也。瞽獻典，無目曰瞽。瞽，樂師。典，樂典也。史獻書，史，外史也。

師箴，師，少師也。箴，刺王闕。瞽賦，無眸子曰瞽。賦，公卿列士所獻詩也。矇誦，有眸子而無目曰矇。誦，箴諫之

話。百工諫，執技以事上者，執藝事以諫。庶人傳語，庶人卑賤，見時得失，不得達傳以語王也。近臣

盡規，近臣，謂驂僕之屬，盡其規以計告王。親戚補察，自王以下，各有父兄子弟以補察其過也。瞽史

教誨，瞽，樂太師，史，太史也。掌陰陽天時禮法之書，以相教誨者。耆艾修之，耆艾，師傅也。修理瞽史之教，以闡於

王。而後王斟酌焉，是以事行而不悖。

民之有口，猶土之有山川也，財用於是乎出；猶其原隰之有衍沃

也，衣食於是乎生。廣平曰原，下濕曰隰，下平曰衍，有澗曰沃。口之宣言也，善敗於是乎

興，行善而備敗，其所以阜財用衣食者也。夫民慮之於心，而宣之於口，

成而行之，胡可壅也？若壅其口，其與能幾何？與，辭也，能幾何，言不久也。

王不聽，於是國人莫敢出言。三年，乃流王於彘。晉地，漢爲縣，屬河東，今日永安。

芮良夫論榮公專利

厲王說榮夷公，

榮國名，夷，諷也。

芮良夫曰：

周大夫芮伯也。

「王室其將卑乎！

夫榮夷公好專利，而不知大難。夫利，百物之所生也，天地之所載也，而或專之，其害多矣！天地百物，皆將取焉，胡可專也？所怒甚多，而不備大難，以是教王，王能久乎？

夫王者，將導利而布之上下者也。使神人百物，無不得其極，猶日慌惕懼怨之來也。故頌曰：『思文后稷，克配彼天，立我烝民，莫匪爾極。』頌，周頌思文也。大雅曰：『陳錫載周。』是不布利而懼難乎！故能載周，以至于今。今王學專利，其可乎？匹夫專利，猶謂之盜；王而行之，其歸鮮矣！榮公若用，周必敗。」

既榮公爲卿士，既，也。諸侯不享，王流于彘。

開局從農事指
陳利賴之廣大
事在農一語已
立通篇之綱。

先從土候引起，
筆力典重，從事
前歷敘自遠日
近日至本日逐
節提授，歷用史
告稷告誓告，及
王乃使乃濕乃
行等句，見敬重
其事如此。

魏文公諫不藉田

宣王卽位，不藉千畝。

藉，借也。借民力以爲之。

魏文公諫曰：

文公，文王母弟，魏仲之後。

「不可，夫民之大事在農。上帝之粢盛，於是乎出；器實曰粢，在器曰盛。民之蕃庶，於是乎生；事之供給，於是乎在；和協輯睦，於是乎興；財用蕃殖，於是乎始；敦龐純固，於是乎成；應，大也。是故稷爲大官。稷之職爲大官。

古者太史順時覲

音脈，視也。

土，陽暉，暉，厚也。

憤憤，憤，積也。

盈，土氣震發，農祥

晨正，

農祥，房星也。晨正，謂立春之日，晨中於午也。農事之候，故曰農祥也。日月底于天廟，底，至也。天廟，營室

星也。孟春之月，日月皆在營室也。

土乃脈發。

脈，理也。農書曰：春土冒振，陳根可拔，耕者急發。

先時九日，

先，先立春日也。

太史告稷曰：『自今至于初吉，初吉，二月朔日也。陽

氣俱蒸，土膏其動，弗震弗渝，脈其滿眚，穀乃不殖。』

震，動也。渝，變也。眚，災也。言陽氣

俱升，土膏欲動，當即發動，變寫其氣，不然，則脈滿氣結，更爲災疫，穀乃不殖也。

稷以告王曰：『史帥陽

官以命我司事，史、太史、陽官、春官、司事、主農事也。曰：「距今九日，土其俱動。」王其祗

祗，監農不易。祗，敬也。祗，齋戒祗除也。不易，不易物土之宜也。王乃使司徒咸戒公卿百吏

庶民，庶民，甸師氏所掌之民也。主耕耨王之藉田者。司空除壇于藉，命農大夫咸戒農用。

農，大夫田畷也。農用，田器也。先時五日，警告有協風至，警，樂太師。王即齋宮，百官御

事，各即其齋。三日，王乃淳之純反。濯饗醴，淳，沃也。濯，溉也。及期，鬱人薦鬯，鬱，鬱金

香草，宜以和鬯酒也。周禮：鬱人掌裸器。犧人薦醴，犧人，司樽掌共酒醴。王裸鬯饗醴，乃行，百吏

庶民畢從。

及藉，后稷監之，監，察也。膳夫農正陳藉禮，太史贊王，王敬從之，王耕

一墦，班三之，班，次也。王耕一墦，一耜之墦也。耜廣五寸，二耜為耨，一耨之發廣尺，深尺三之下，各三其上也。王一

墦，公三，卿九，大夫二十七也。庶民終于千畝，終，盡耕也。其后稷省功，太史監之，司徒

省民，太師監之，畢，宰夫陳饗，膳宰監之，膳夫贊王，王歆大牢，歆，饗也。班嘗

之，庶人終食。

正彼當時事，乃耕藉田，正文自天子至庶人，各勤恪其事如此。

從事後申寫省
風廩藉戒民旅
徇以及耨穫又
實戒其事如此

收局從農事推
廣功效之大講
武有威二語並
伏末句之案

是日也，瞽師音官以省風土，音官樂官風土以音律省風土廩于藉東南，鍾而

藏之。廩御廩也一名神倉東南生長之處鍾聚也而時布之于農，稷則徧誠百姓，紀農協

功，曰：「陰陽分布，震雷出滯，土不備墾，辟在司寇。」乃命其旅曰徇。旅

衆也徇行也農師一之，農正再之，后稷三之，司空四之，司徒五之，太保六之，

太師七之，太史八之，宗伯九之，王則大徇。大徇帥公卿大夫親行農也耨穫亦如

之，民用莫不震動恪恭于農，修其疆畔，日服其耨，不解于時，財用不乏，

民用和同。

是時也，王事唯農是務，無有求利於其官，以干農功。三時務農，而
一時講武，故征則有威，守則有財。若是乃能媚於神而和於民矣，則享
祀時至，而布施優裕也。今天子欲修先王之緒，而棄其大功，匱神乏祀，
而困民之財，將何以求福用民？王不聽。

三十九年，戰于千畝，王師敗績于姜氏之戎。

仲山父諫立戲

魯武公以括與戲見王，

武公，伯禽之玄孫，獻公之子，武公敖也。括，武公長子，伯御也。戲，括弟，懿公

也。王立戲。

以爲太子。

樊仲山父諫曰：「不可立也，不順必犯，犯王命必誅，

故出令不可不順也。令之不行，政之不立，行而不順，民將棄上。夫下事上，少事長，所以爲順也。今天子立諸侯，而建其少，是教逆也。

若魯從之，而諸侯效之，王命將有所壅；若不從而誅之，是自誅王命也。是事也，誅亦失，不誅亦失。天子其圖之！」

王卒立之，魯侯歸而卒，及魯人殺懿公，而立伯御。三十二年春，宣王伐魯，立孝公。諸侯從是而不睦。

仲山父諫料民

宣王既喪南國之師，敗于姜戎氏。乃料民於太原。料，數也。太原，地名也。仲山父

諫曰：「民不可料也。夫古者不料民而知其少多，司民協孤終，司民，掌登萬

民之數。協，合也。無父曰孤，終，死也。合其名稱，以登於王也。司商協民姓，司商，掌賜族受姓之官。商，金聲清，謂人

姓吹律合定其姓名也。司徒協旅，司徒，掌合師旅之衆也。司寇協姦，司寇，刑官，掌合姦民，以知死刑

之數也。牧協職，牧人，掌養犧牲，合其物色之數也。工協革，革，更也。更制度者合其數。場協入，場人，掌

場圃委積珍物，斂而藏之也。廩協出，廩人，掌九穀出用之數也。是則少多死生，出入往來者，

皆可知也。於是乎又審之以事，事，謂因籍田與蒐狩，以簡知其數也。王治農於籍，籍，

籍於千畝田也。蒐於農隙，耨穫亦於籍，言王亦至於籍考課之。獮於既烝，秋田曰獮，烝，升

也。月令孟秋乃升穀。狩於畢時，冬田曰狩。畢時，時務畢也。是皆習民數者也。又何料焉？

不謂其少而大料之，是示少而惡事也。言王不謂其衆少，而大料數之，是示以寡少，

又厭惡政事，不能修之意也。臨政示少，諸侯避之；治民惡事，無以賦令。且無故而

料民，天之所惡也，害於政而妨於後嗣。」

後入事。

王卒料之，及幽王，乃廢滅。幽王，宣王之子，幽王宮涅也。

伯陽父論地震

幽王二年，西周三川皆震。西周，謂鎬京也；幽王在焉，鄠岐之所近也。三川，涇、渭、洛出於岐山也。

震，動也；地震，故三川亦動也。

伯陽父曰：「周將亡矣！」伯陽父，周大夫也。夫天地之氣，不失

其序。若過其序，民亂之也。言民者，不敢斥王也。陽伏而不能出，陰迫而不能烝，

於是地震。陰陽相迫，氣動於下。今三川實震，是陽失其所而鎮陰也。鎮，爲陰所鎮，管

也。陽失而在陰，在陰下也。川源必塞，源塞國必亡。夫水土演而民用也，水土

氣通爲演，演則生物，民得用之。水土無所演，民乏財用，不亡何待？

昔伊、洛竭而夏亡，伊出熊耳，洛出冢嶺，禹都陽城，伊洛所近。河竭而商亡，商人部，河

水所經。今周德若二代之季矣；其川源又塞，塞必竭。夫國必依山川，山崩

川竭，亡之徵也。川竭，山必崩。水泉不潤，枯朽而崩。若國亡，不過十年，數之紀也。